

tum. Ii qui tandem missi sunt, mille & quingenti fuerunt: reliqui diuturni carceris fœtore ac tædio, & ut quidam tradidere, nimia crapula extincti sunt. Tradunt ad hæc, periisse eo bello supra octo millia Ligustici nominis, Venetorum dimidio minus. Patres defuncti bello, ut fides sibi publica constaret, ad triginta eorum, qui medio ardore belli Rempublicam privato sumptu juverant, ad patriciatum traduxere: reliquis quina millia quotannis dividenda in perpetuum decreta. Qui inter patricos relati sunt, antequam curiam ascenderent, divinæ rei interfuere: inde ad Principis & Patrum conspectum adducti, in aliena verba jurare coacti, fidem & silentium Reipublicæ promissere. Jacobum Caballum Veronensem, ob strenuam fidamque operam eo bello Veneto nomini navatam, hæc quoque dignitate donatum Chinatius scribit.

*Patricia
dignitate
donantur,
qui pro aliis
belli tempore
Rempubli-
cam juve-
runt.*